

漢 · 劉向等著
明 · 仇英繪

列女傳

江蘇古籍出版社

鄭義宗妻


唐鄭義宗妻盧氏略涉書史事舅姑孝堂
夜有強盜數十持杖鼓譟踰垣而入家人
悉奔竄惟有姑自在室盧冒白刃往至姑
側爲賊捶擊幾死賊去後家人問何獨不
懼盧曰人之所以異於禽獸者以其有仁
義也鄰里有急尚相赴救况在於姑而可
委棄乎若萬一危禍宜獨生君子謂盧
氏甚得婦道詩曰如臨深淵如履薄冰此
之謂也



涇陽李氏

唐李氏雍州涇陽人楊三安之妻也事舅姑以孝聞及舅姑歿三安亦死二子孩童家至貧窶李氏晝則力田夜則紡績數年間葬舅姑及夫并夫之叔姪兄弟凡七喪深爲遠近所嗟太宗聞之賜帛二百疋遣州縣存恤之所居產靈芝數十莖成五色焉君子謂李氏生事死葬爲婦道所難子路曰傷哉貧也生無以爲養死無以爲禮此之謂也

汪 曰秦俗之敝蓋有自來抱哺其子與公併偕婦姑不相悅則反唇而相稽賈太傅所稱棄禮義捐廉恥目甚者也乃咸陽長安自漢唐世爲帝王之宅民稍稍就上華繩孝婦貞女亦多有之輦轂之下宜易於近天子之光也已雍州本秦關中地而楊三安之妻以孝聞所云守禮義存廉恥莫如斯婦力作勤績撫孤養喪有男子之所難能者其致君之賜召天之瑞非偶然之故矣



狄梁公姊

唐狄梁公姊者梁公名仁傑之姊也武后廢中宗而自立改唐為周狄仁傑為之相嘗過其姊家姊寡居而老且貧為設濁酒麥飯其子自外歸以一兔肩供仁傑仁傑曰姊老矣而仁傑幸居相位奈何不及母在而使之仕其姊曰吾有一子不欲其事女主也仁傑慙而退君子謂狄公之姊安貧而不慕榮利論語云不義而富且貴於我如浮雲此之謂也



樊彥琛妻


樊彥琛妻魏氏楚州淮陰人彥琛病篤將卒魏泣而言曰幸以愚陋託身明德奉侍衣裳二十餘載豈意殯咎所招遽見此禍同人黃泉是吾願也彥琛答曰死生常道無所多恨君宜勉勵撫養諸孤使其成立若相從而死適足貽累非吾所取也彥琛卒後屬李敬業之亂魏爲賊所獲賊黨知其素解孫竹通令彈箏魏氏歎曰我夫不幸亡歿未能自盡苟活偷生今復見逼管絃豈非禍從手發耶乃引刀斬指棄之於地賊黨又欲妻之魏以必死自固賊等忿怒以刀加頸語云若不從我卽當殞命魏厲聲罵曰爾等狗盜乃欲汙辱好人今得速死合我本志賊遂斬之聞者莫不傷惜



堅正節婦

唐鄭康妻李氏年十七嫁康康未踰年死
夜夢一男子求為妻初不許後數數夢之
李自疑形貌所召也即截髮麻衣不薰飾
垢面塵膚自是果不夢刺史曰大威飲其
操號堅正節婦表旌門閭所居曰節婦里
君子謂李氏能完其節莊子云其寢不夢
其覺無憂此之謂也

汪 曰婦之凝粧盛飾為可悅也夫
既致人之悅安能不動人之思思之則
必欲得之以斯求節宜其難矣鄭氏之
夢信形貌所召也畫之所為夜之所夢
無是心而有是夢則其神不定而志亦
因以不安故欲絕其思先須杜其夢居
常而不爭則拚人之臭居嫻而不垢或
啓人之思李氏誠為持節之堅守誼之
正者矣白刺史崇其號表其閭宜虛譽
云爾哉



鄭邨妻

唐鄭邨耕民也天寶中邨母病人教以咽杏實可愈其妻楊氏謂邨曰此非時之物安所得乎須旁求冀上天哀憐而賜之子其傭耕待疾吾自徧于邑里訪焉乃至邨郡易君子之衣而行急于道莽穢中見一杏實拜泣取之潔滌而歸以奉姑謂爲他郡人所遺姑食之疾漸瘳一日風雷甚聲殷殷然若在簷宇間不斷家人惶懼遁去楊氏泣告其姑曰去冬以莽穢中杏實奉姑始爲人所遺今天將謫妾以死從此別矣乃伸臂立於庭以待雷擊忽覺臂重莫能舉及開齋視之有二金龍長數尺繞左右臂自是家日豐遂爲富室君子謂爲孝感易云天之所助者順也其此之謂乎



鄭紹蘭


唐鄭紹蘭鄭行先之女也適巨商任宗任
宗賈於湘中數年不歸紹蘭偶見雙燕戲
于梁間長吁而語燕曰我壻客久弗歸不
通音耗死生存亡未可知也欲憑爾翼附
寄一書言訖淚下燕子飛鳴上下似有所
諾紹蘭遂吟詩一首云我壻去重湖臨窻
泣血書殷勤為燕翼寄與薄情夫繫於其
足燕得詩飛鳴而去任宗時在荊州忽見
一燕飛鳴泊于角上足有書解而視之乃
妻所寄也遂感泣而歸好事者傳之



江潭吳姬

唐吳姬休寧江潭人黃巢寇亂鄉人逃避
姬堅節不去已而賊至姬曰寧可斷吾頭
不可戕吾鄉賊怒害之鄉人收其屍于葉泊
嶺里中疾病遺失禱必應溫熙間有牧馬
姬墓側者馬為虎傷召獵人祠而射之二
箭中二虎君子壯吳姬之不愧死曲禮云
臨難毋苟免此之謂也

汪 曰巢賊為高節度駢所擊奔廣
南既而北還復為劉節度巨容所破收
餘眾渡江轉掠饒信歙宣等州唐以殿
中侍御史汪端公潰總大軍禦之遇賊
於婺之三浯力戰而死皇帝嘉其忠烈
立廟祀之師既潰賊遂長驅至休寧徧
剽村落故吳姬不免焉姬以寡婦當暮
年有死而已甯復思鄉人而偷生林莽
苟活穴巖不亦辱乎故甘死如飴不斬
苟免卒以匹婦其身死而其鬼靈匪節
烈所疑宜不及此矣



朱延壽妻


唐昭宗時淮南節度使楊行密以妻弟朱延壽與田頌通謀召而斬之初延壽赴召其妻王氏謂延壽曰君此行吉凶未可知願日發一使以安我一日使不至王氏曰事可知矣部分僮僕授兵闔門捕騎至乃焚府舍曰妾誓不以皎然之軀爲讐人所辱赴火而死君子美王氏之貞烈論語云不降其志不辱其身此之謂也

汪 曰楊行密以高駢部將自稱淮南留後擒孫儒而降其衆招撫流移輕從薄歛公私富庶幾復承平之舊其不以已私意妄殺妻弟可知延壽果與田頌通謀死固應爾王氏誠愛其夫曷不諫止於通謀之時而使用情於謀泄之後則何益矣頌甯就死而不甘受辱則其識之高也



王氏孝女

唐王氏孝女楊紹宗之妻也王氏華州華陰人甫三歲生母亡爲繼母所鞠養年十五父征遼而歿繼母尋亡王氏收所生母及繼母之骨并立父像招魂遷葬廬于墓側有紫芝生廬下又有白鹿常馴擾近墓高宗永徽中下詔表其門閭賜以粟帛君子謂爲孝感詩云女也不娶其此之謂乎汪曰遼左之役寡人之妻孤人之子其死事者何限功不補患得不償失宜其悔之矣王孝女之父死於戰陳弗克歸骨則招魂立像而於生母繼母則葬之以禮此在男子爲父後者猶或未盡如禮乃王氏以一孤女任之且廬墓而致紫芝白鹿之應孝益徵矣高宗初年尚行旌別之政隆賚錫之典此永徽之治有貞觀之風乎



賈孝女

唐賈孝女濮州鄆城人也始年十五其父爲宗人玄基所害其弟強仁年幼孝女撫育之誓以不嫁及強仁成童思共報復乃候玄基殺之取其心肝以祭父墓遣強仁自列於縣有司斷以極刑孝女詣闕自陳請代強仁死高宗哀之特詔孝女及弟免罪君子謂賈孝女勇於義孟子曰出乎爾者反乎爾者也夫民今而後得反之也其孝女之謂也

汪 曰傳中所列孝女其報父讐無踰隋王舜其保孤弟無踰李文姬賈孝女兼之矣賈玄基殺人於盛唐之時三尺之法安在而得漏網以至今日孝女志存報復故不嫁蓋嫁則此身爲夫之身弟於何撫而讐父於何復耶卒能手刃父讐請縣請死於禮合矣賈強仁以童年報不共天之讐有司不以爲孝而欲以爲戮何謬也高宗猶有三宥之政其當牝雞未晨之先乎



寶氏二女

奉天寶氏二女生長草野幼有志操永泰中羣盜數千人剽掠其村落二女皆有容色長者年十九幼者年十六匿岩穴間曳出之驅迫以前臨壑谷深數百尺其姊先曰吾甯就死義不受辱即投崖下而死盜方驚駭其妹繼之自投折足破面流血羣盜乃舍之而去京兆尹第五琦嘉二女之貞烈奏之詔旌表其門閭永蠲其家丁役



章氏二女

唐章氏二女歙縣人章預之女也母程氏與二女登山採桑母爲虎所攫二女號呼搏虎虎遂棄去母獲免刺史劉贊嘉之蠲其戶稅改所居合陽鄉爲孝女鄉以表之觀察使韓滉因奏贊治有異行詔優遷焉君子謂章氏二女不畏死以全母傳曰將虎鬚幾不免虎口此之謂也

汪 曰吾鄉山峭而高水清而駛故生聚其間多忠孝節義之行無論丈夫能也即婦人女子亦往往有之特以人多務實不競於名故每湮滅而不稱茲傳僅存則以劉刺史之名其鄉幸而相傳迄今不泯爾二女之名直與此鄉同其永久固劉公之所貽哉苟無苛政微民受賜多矣必以虎不噬人爲異政曷如以二女皆孝之爲德化乎刺史贊之名稱譽前虎北渡河之昆均不朽也又緣二女而益顯也



葛氏二女

唐敬宗時撫州金谿葛祐爲金谿監銀場
吏時鎮盡歲額盡虧傾家無以償拷掠幾
死祐無子二女至孝不忍見父之苦乃相
與發誓願以身代死明日果同躍入冶中
俄有陰雲四起烈風雷雨如晦衆皆驚怖
卽發爐取其骨已化爲白金矣有司遂釋
其父并聞于朝詔旌之官爲立祠鄉民水
旱疾疫必往禱焉甚著靈異君子謂葛祐
二女以身紓父之急詩云哀哀父母生我
劬勞劬勞之報於是爲至矣又安恤其身
乎



木蘭女

木蘭梁人也代父戍邊十二年人不知爲女歸賦戍邊詩一篇其詩即促織何唧唧木蘭當戶織不聞機杼聲惟聞女歎息一篇是也唐杜牧題木蘭廟詩云彎弓征戰作男兒夢裡曾驚學畫眉幾度思歸還把酒拂雲堆上祝明妃君子謂木蘭爲女丈夫而才兼文武詩云允文允武此之謂也



關盼盼

關盼盼張建封妓也善屬詩文雅多風態建封既沒盼盼念舊而不嫁常居燕子樓作詩二絕云樓上殘燈伴曉霜獨眠人起合歡床相思一夜情多少地角天涯未是長其二適看鴻鴈岳陽迴又覩玄禽逼社來瑤瑟玉簫無意緒任從珠網任從灰白樂天喜其詩乃和之曰滿窗明月滿樓霜被冷燈殘拂臥床燕子樓中霜月苦秋宵只爲一人長今春有客洛陽回曾到尚書塚上來見說白楊堪作柱怎教紅粉不成灰又贈絕句云黃金不惜買蛾眉揀得如花四五枝歌舞教成心力盡一朝身去不相隨盼盼得詩反覆讀之泣曰自公薨背妾非不死恐後人以我公重色有從死之妾是玷我公清範也和詩一絕云自守空樓歛恨眉形同春後牡丹枝舍人不曾人深意訝道泉臺不去隨旬日不食而死

